





袖珍三體詩卷之三

文陽 周弼伯弼 選

四實

早春游望

杜審言

獨有官游人。偏驚物候新。雲霞出海曙。  
梅柳渡江春。淑氣催黃鳥。晴光轉綠蘋。  
忽聞歌古調。歸志欲沾巾。



游少林寺

沈佺期

長歌游寶地。徒倚對珠林。  
鴈塔風霜古。龍池歲月深。  
紺園澄夕霽。碧殿下秋陰。  
歸路煙霞晚。山蟬處處吟。

晚至華陰

皇甫曾

臘盡促歸心。行人及華陰。  
雲霞仙掌出。松柏古祠深。  
野渡冰生岸。寒川燒隔林。

溫泉看漸近。宮樹晚沉沉。

經廢寶慶寺

司空曙

黃葉前朝寺。無僧寒殿開。  
池晴龜出曝。松暝鶴飛回。  
古砌碑橫草。陰廊畫雜苔。  
禪宮亦消歇。塵世轉堪哀。

次北固山下

王灣

客路青山外。行舟綠水前。  
潮平兩岸闊。



神五三  
風正一帆懸。海日生殘夜。江春入舊年。  
鄉書何處達。歸鴈洛陽邊。

岳陽晚景

張均

晚景寒鴉集。秋風旅鴈歸。水光浮日冷。  
霞彩映江飛。洲白蘆花吐。園紅柿葉稀。  
長沙卑暑地。九月未成衣。

晚發五溪

岑參

客厭巴南地。鄉隣劍北天。江村片雨外。  
野寺夕陽邊。芋葉藏山徑。蘆花開渚田。  
舟行未可住。乘月且須牽。

仲夏江陰官舍寄裴明府

李嘉祐

萬室邊江次。孤城對海安。朝霞晴作雨。  
濕氣晚生寒。苔色侵衣桁。潮痕上井欄。



題詩招茂宰思爾欲辭官

山行

殷遙

寂歷青山曉山行趣不稀  
野花成子落江燕引雛飛  
暗草薰苔徑晴揚拂石磯  
俗人猶語此余亦轉忘歸

送陸明府之盱眙

崔峒

陶令之官本離愁慘別魂  
白煙連海戍

紅葉近淮村遠浪搖山郭  
平蕪到縣門政成堪吏隱  
免負府公恩

溪南書齋

楊發

茅屋任來久山深不閉門  
草生垂井口花落擁籬根  
入院將雛鳥攀蘿抱子猿  
曾逢異人說風景似桃源

泊揚子岸

祖詠



神珍三體詩 卷下  
繞入維揚郡鄉關。北路遙林藏初霽。雨  
風退欲歸潮。江火明沙岸。雲帆礙浦橋。  
客衣今日薄。寒氣近來饒。

新秋寄樂天

劉禹錫

月露發光彩。此時方見秋。夜涼金氣應。  
天靜火星流。蟲響偏依井。螢飛直過樓。  
相知盡白首。清景復追遊。

秋日送客至潛水驛

侯吏立沙際。田家連竹溪。楓林社日鼓。  
茅屋午時雞。雀噪晚禾地。蝶飛秋草畦。  
驛樓官樹近。疲馬再三嘶。

得日觀東房

李質

曾入桃源路。桃源信少雙。洞霞飄素練。  
壁藓畫陰窓。古木疑撐月。危峰欲墮江。



自吟空向寂誰與倒秋釭

北固晚眺

竇常

水國。凶。種。後。梅。天。風。雨。涼。露。蠶。開。晚。簇。  
江。燕。語。危。檣。山。址。北。來。固。潮。頭。西。去。長。  
年。年。此。登。眺。人。事。幾。銷。亡。

送可久歸越中

賈島

石頭城下泊北固暝鐘初汀鷺衝潮起

船。意。過。月。虛。吳。山。侵。越。衆。隋。柳。入。唐。疎。  
日。欲。供。調。膳。辟。來。何。府。書。

新安江行

章八元

江。源。南。出。永。野。飯。暫。維。縉。古。戍。懸。魚。網。  
空。林。露。鳥。巢。雪。晴。山。脊。現。沙。淺。浪。痕。交。  
自。笑。無。媒。者。逢。人。作。解。嘲。

三月五日汎長沙東湖



上巳餘風景芳辰集遠垌湖光迷翡翠  
草色醉蜻蜓鳥弄桐華日魚翻穀雨萍  
從今畱勝會誰看畫蘭亭

張又新

送人入蜀

李遠

蜀客本多愁今君是勝遊碧藏雲外樹  
紅露驛邊樓杜宇呼名語巴江學字流

不知煙雨夜何處夢刀州

七里灘

許運

天晚日沉沉孤舟繫柳陰江村平見寺  
山郭遠聞砧樹密猿聲響波澄鴈影深  
榮華暫時事誰識子陵心

孤山寺

張祐

樓臺聳碧岑一徑入湖心不雨山長潤



無雲水自陰。斷橋荒蘚合。空院落花深。  
猶憶西窗夜。鐘聲出北林。

惠山寺

舊宅人何在。空門客自過。泉聲到池盡。  
山色上樓多。小洞穿斜竹。重階夾細莎。  
慙勤望城市。雲外暮鐘和。

登蒲澗寺後二巖

李群玉

五仙騎五羊。何代降茲鄉。澗有堯時韭。  
山餘禹日糧。樓臺籠海色。草樹發天香。  
浩笑煙波裏。浮溟興甚長。

送僧遊南海

李洞

春往海南邊。秋聞半夜蟬。鯨吞洗鉢水。  
犀觸點燈船。島嶼分諸國。星河共一天。  
長安卻回日。松偃舊房前。



新刊三才詩集卷下  
七

鄂北李生舍

圭峰秋後夜亂葉落寒虛  
四五百竿竹  
二三千卷書雲深猿盜栗  
雨霽蟾治疏  
只隔門前水如同萬里餘

塞上

司空圖

萬里隋城在三邊虜氣衰  
沙填孤障角  
燒斷故關碑馬色經寒慘  
鵬聲帶晚悲

將軍正閑暇畱客換歌辭

寄永嘉崔道融

旅寓雖難定乘閑是勝遊  
碧雲蕭寺霽  
紅樹謝村秋戍鼓和潮暗  
船窗照島幽  
詩家多滯此風景似相畱

泊靈溪館

鄭巢

孤雲疎雨絕荒館亂峰前  
曉鷺棲危石

由公二體詩



秋萍滿敗船。溜從華頂落。樹與赤城連。  
已有求閑意。相期在暮年。

甘露寺

孫 魴

寒暄皆有景。孤絕畫難形。地拱千尋嶮。  
天垂四面青。晝燈籠鴈塔。夜磬徹漁汀。  
最愛僧房好。波光滿戶庭。

江行

李咸用

瀟湘無事後。征棹復嘔啞。高岫留殘照。  
歸鴻背落霞。魚依沙岸草。蝶寄湫流槎。  
共說干戈苦。汀洲減釣家。

春日野望

李 中

野外登臨望。蒼蒼煙景昏。暖風醫病草。  
甘雨洗荒村。雲散天邊影。潮回島上痕。  
故人不可見。倚杖役吟魂。



補正 體詩 卷下

勝果寺

僧處默

路自中峰上盤回出薜蘿到江吳地盡  
隔岸越山多古木叢青靄遙天浸白波  
下方城郭近鐘磬雜笙歌

靜林寺

僧靈一

靜林溪路遠蕭帝有遺蹤水擊羅浮磬  
山鳴于闐鐘燈傳三世火樹老五株松

無數煙霞色空聞昔臥龍

秋夜同梁鎰文宴 錢起

客到衙門下盃香蕙草時好風能自至  
明月不須期秋水翻荷影清霜脆柳枝  
微官是何物計可廢吟詩

望秦川

李頎

秦川朝望迴日出正東峰遠近山河淨

由今三體詩

卷下

十一



神珍三體詩 卷下  
十  
逶迤城闕重。秋聲萬戶。竹寒色五陵。松  
客有歸歎。嘆淒淒其霜露濃。

池上

白居易

嫋嫋涼風動。淒淒寒露零。蘭衰花始白。  
荷破葉猶青。獨立棲沙鶴。雙飛照水螢。  
若爲寥落境。仍值酒初醒。

西陵夜居

吳融

寒潮落遠汀。暝色入柴扃。漏永沉沉靜。  
燈孤的的青。林風移宿鳥。池雨定流螢。  
盡夕成愁絕。啼螿莫近庭。

旅游傷春

李昌符

酒醒鄉關遠。迢迢聽漏終。曙分林影外。  
春盡雨聲中。鳥倦江村路。花殘野岸風。  
十年成底事。羸馬厭西東。



補正 骨言 卷下

春山

俗貫休

重。墨。太。古。色。濛。濛。華。雨。時。好。山。行。恐。盡。  
流。水。語。相。隨。黑。壤。生。紅。朮。黃。猿。領。白。兒。  
因。思。石。橋。日。曾。與。道。人。期。

送懷州吳別駕

岑參

灞。上。柳。枝。黃。墟。頭。酒。正。香。春。流。飲。公。馬。  
暮。雨。濕。行。裝。驛。路。通。函。谷。州。城。接。太。行。

覃懷人總喜別駕得王祥

高官谷贈鄭鄩

谷。口。來。相。訪。空。齋。不。見。君。澗。華。燃。暮。雨。  
潭。樹。暖。春。雲。門。徑。稀。人。迹。簷。峰。下。鹿。群。  
衣。裳。與。枕。席。山。靄。碧。氛。氳。

山居即事

王維

寂。寞。掩。柴。扉。蒼。茫。對。夕。暉。鶴。巢。松。樹。遍。

由參三豐寺

卷下

十一



人訪華門稀綠竹含新粉紅蓮落故衣  
渡頭燈火起處處採菱歸

題薦福寺衡岳禪師房

韓翃

春城乞食還高論此中閑僧臘塔前樹  
禪心江上山疎簾看雪捲深戶映花關  
晚送門人太鐘聲杳靄閒

送史澤之長沙

司空曙

謝眺懷西府單車觸火雲野蕉依戍客  
廟竹映湘君夢渚巴山斷長沙楚路分  
一盃從別後風月不相聞

送裴侍御歸上都

張謂

楚地勞行役秦城罷鼓鼙舟移洞庭岸  
路入武陵溪江月隨人影山華趁馬蹄



離魂將別夢先爾到關西

過蕭關

張蠡

得出蕭關北。儒衣不稱身。隴狐來試客。  
沙鶻下欺人。曉戍殘烽火。晴原起獵塵。  
邊戎莫相忌。非是霍家親。

秋夜宿僧院

劉得仁

禪寂無塵地。焚香話所歸。樹搖幽鳥夢。  
螢入定僧衣。破月斜天半。高河下露微。  
翻令嫌白日。動即與心違。

宿宣義池亭

暮色遶柯亭。南山出竹青。夜深斜射月。  
風定一池星。島嶼無人迹。菰蒲有鶴翎。  
此中休便得。何必泛滄溟。

送殷堯藩遊山南

姚合



詩境西南遠。秋聲晝夜蛩。人家連水影。  
驛路在。山峰溪靜雲生石。天晴雪覆松。  
我為公府繫。不得此相從。

題李疑幽居

賈島

閑居少隣。竝草徑入荒園。鳥宿池中樹。  
僧敲月下門。過橋分野色。移石動雲根。  
暫去還來此。幽期不負言。

金山寺

張祐

一宿金山寺。微茫水國分。僧歸夜船月。  
龍出曉堂雲。樹影中流見。鐘聲兩岸聞。  
因悲在城市。終日醉醺醺。

商山早行

溫庭筠

晨起動征鐸。客行悲故鄉。雞聲茅店月。  
人迹板橋霜。槲葉落山路。枳華明驛牆。



因思社陵夢鳥鴈滿回塘

秋日送方于遊上元

曹松

天高淮泗白料子趣脩程汲水疑山動  
揚帆覺岸行雲離京口樹雁入石頭城  
後夜分遙念諸峰霧露生

寄陸睦州

許棠

下國多高趣終年半是吟  
汐潮通越分部伍雜蠻音  
曉郭雲藏市春山鳥護林  
東遊雖未遂日日至中心

與崔員外秋直

王維

建禮高秋夜承明候曉過九門寒漏徹  
萬井曙鐘多月迴藏珠斗雲銷出絳河  
更慚哀朽質南陌共鳴珂



送東川李使君

萬壑樹參天。千山響杜鵑。山中一夜雨。樹杪百重泉。漢女輸賓布。巴人訟芋田。文翁翻教授。不敢倚先賢。

送揚長史赴果州

褒斜不容幘。之子去何之。鳥道一千里。猿聲十二時。官橋祭酒客。山木女郎祠。

別後同明月。君應聽子規。

赴京途中遇雪

孟浩然

迢遞秦京道。蒼茫歲暮天。窮陰連晦朔。積雪遍山川。落鴈迷沙渚。飢鳥噪野田。客愁空佇立。不見有人煙。

早行

郭良

早行。星尚在。數里未天明。不辨雲林色。



空聞流水聲。月從山上落。河入斗間橫。  
漸至重門外。依稀見洛城。

宿荆溪館呈丘義興

嚴維

失路荆溪上。依仁忽暝投。長橋今夜月。  
陽羨古時州。野燒明山郭。寒更出縣樓。  
先生能館我。何事五湖遊。

漂母墓

劉長卿

昔賢懷一飯。茲事已千秋。古墓樵人識。  
前朝楚水流。渚蘋行客薦。山木杜鵑愁。  
春草年年綠。王孫舊此遊。

湖中閑夜

朱慶餘

釣艇同琴酒。良宵背水濱。風波不起處。  
星月盡隨身。浦迴湘雲卷。林香嶽氣春。



誰知此中興寧羨五湖人

四虛

陸渾山莊

宋之問

歸來物外情。負杖閑巖耕。源水看華入。幽林採藥行。野人相問姓。山鳥自呼名。太公獨吾樂。無能愧此生。

新年作

鄉心新歲切。天畔獨潛然。老至居人下。春歸在客先。嶺猿同旦暮。江柳共風煙。已似長沙傳。從今又幾年。

喜鮑禪師自龍山至

劉長卿

故居何日下。春草欲芊芊。猶對山中月。誰聽石上泉。猿聲知後夜。華發見流年。



杖錫閑來往無心到處禪

酬秦系

鶴書猶未至那出白雲來  
舊路經年別寒潮每日回家空  
歸海燕人老發江梅最憶門前柳  
閑居手自栽

送朱放賊退後往山陰

越中初罷戰江上送歸橈  
南渡無來客

西陵自落潮空城垂故柳  
舊業廢春苗間里稀相見  
鶯華共寂寥

尋南溪常道人隱居

一路經行處莓苔見履痕  
白雲依靜渚青草閉閑門  
過雨看松色隨山到水源  
溪華與禪意相對亦忘言

題元錄事所居



幽居蘿辟情高臥紀綱行鳥散秋鷹下  
人閑春草生冒嵐歸野寺收印出山城  
今日新安郡因君水更清

寄靈一上人

高僧本姓竺開士舊名林一太春山裏  
千峰不可尋新年芳草遍終日白雲深  
欲徇微官太懸知訝此心

除夜宿石頭驛

戴叔倫

旅館誰相問寒燈獨可親一年將盡夜  
萬里未歸人寥落悲前事支離笑此身  
愁顏與衰鬢明日又逢春

汝南別董校書

擾擾倦行役相逢陳蔡間如何百年內  
不見一人閑對酒惜餘景問程愁亂山



秋風萬里道又出穆陵關

江上別張勸

年年五湖上厭見五湖春長醉非關酒  
多愁不為貧山川迷道路伊洛暗風塵  
今日扁舟別俱為滄海人

送丘為落第歸江東

王維

憐君不得意况復柳條春為客黃金盡  
還家白髮新五湖三畝宅萬里一歸人  
知爾不能薦羞稱獻納臣

岳州逢司空曙

李端

共有髻年故相逢萬里餘新春兩行淚  
故國一封書夏口帆初落洛陽鴈正疎  
唯應執盃酒暫食漢江魚



神玉三韻詩

洛陽早春

顧況

何地避春愁。終年憶舊遊。一身千里外。百舌五更頭。客路偏逢雨。鄉山不入樓。故園桃李月。伊水向東流。

送陸羽

皇甫曾

千峰待逋客。香茗復叢生。採摘知深處。煙霞羨獨行。幽期山寺遠。野飯石泉清。

寂寂然燈夜。相思磬一聲。

贈喬尊師

張鴻

長忌時人識。有家雲澗深。性惟耽著酒。貧不破除琴。靜鼓三通齒。頻湯一味參。知師最知我。相引坐禪陰。

客中

于武陵

楚人歌竹枝。游子淚沾衣。異國久為客。

由今三體詩

三



寒宵頻夢歸一封書未返千樹葉皆飛  
南過洞庭水更應消息稀

長安春日

曹松

浩浩看花晨六街揚遠塵塵中一丈日  
誰是晏眠人御柳垂著水野鶯啼破春  
徒云多失意猶自惜離秦

題破山寺後院

常建

清晨入古寺初日照高林曲徑通幽處  
禪房花木深山光悅鳥性潭影空人心  
萬籟此俱寂惟聞鐘磬音

暮過山村

賈島

數里聞寒水山家少四鄰怪禽啼曠野  
落日恐行人初月未終夕邊烽不過秦  
蕭條桑柘外煙火漸相親



神珍三體詩 卷下

山中道士

頭髮梳千下。休糧帶瘦容。養雛成大鶴。  
種子作高松。白石通宵煮。寒泉盡日舂。  
不曾離隱處。那得世人逢。

贈山中日南僧

張籍

獨向雙峰老。松門閉兩涯。翻經上蕉葉。  
掛衲落藤花。甃石新開井。穿林自種茶。

時逢海南客。蠻語問誰家。

田家

章孝標

田家無五行。水旱卜蛙聲。牛犢乘春放。  
兒孫候暖耕。池塘煙未歇。桑柘雨初晴。  
歲晚香醪熟。村村自送迎。

秦原早望

一秦鄉書薦長安。未得回年光。逐渭水。

由參三體詩 卷下

前虛後實

三六



春色上秦臺。燕掠平蕪。去人衝細雨來。  
東風生故里。又過幾華開。

前虛後實

雲陽館與韓外卿宿別

司空曙

故人江海別。幾度隔山川。乍見翻疑夢。  
相悲各問年。孤燈寒照雨。深竹暗浮煙。

更有明朝恨。離盃惜共傳。

酬暘當

耿漳

同游漆沮後。已是十年餘。幾度曾相夢。  
何時定得書。月高城影盡。霜重柳條疎。  
且對樽前酒。千般想未如。

寄友人

張蠡

世道復何如。東西遠索居。長疑即見面。



翻致久無書。旬麥深藏雉。淮苔淺露魚。  
相思不。我會明月幾盈虛。

送喻坦之歸睦州 李頻

歸心常共知。歸路不相隨。彼此無依倚。  
東西又別離。山雲含雨潤。江樹逆潮欹。  
莫戀漁樵興。人生各有為。

送李給事歸徐州覲省

遜 逖

列位登青瑣。還鄉服綵衣。共言晨省日。  
便是晝游歸。春水經梁宋。晴山入海沂。  
莫愁東路遠。四牡正駢駢。

送漂水唐明府 韋應物

三為百里宰。已過十餘年。祇嘆官如舊。  
旋聞邑屢遷。魚鹽濱海利。桑柘傍湖田。



到此安民俗。琴堂又晏然。

送王錄事赴魏州 岑參

早歲即相知。嗟君最後時。青雲仍未達。黑髮欲成絲。小店關門樹。長河華嶽祠。弘農民吏待。莫遣馬行遲。

別鄭蟻 郎士元

暮蟬不可聽。落葉豈堪聞。共是悲秋客。

那知此路分。荒城背流水。遠雁入寒雲。陶令門前菊。餘華可贈君。

送韓司道 皇甫冉

遊吳遠道。越來往任。風波復送王孫去。其如芳草何。山明殘雪在。潮滿夕陽多。季子留遺廟。停舟試一過。

途中送權曙 皇甫曾



淮海風濤起江關。幽思長同。悲鵲遶樹，  
獨作鴈隨。陽山晚雲和雪，天寒月照，霜  
由來濯纓處。漁父愛滄浪。

酬普選二上人

嚴維

本意宿東林。因聽子賤琴。遙知大小朗  
已斷。太來心。夜靜溪聲近。庭寒月色深。  
寧知塵外意。定後更成吟。

送鄭宥入蜀

李端

寧親西涉險。君去異王陽。在世誰非客。  
還家即是鄉。劍門千轉盡。巴水一支長。  
請語愁猿道。無煩促淚行。

杭州郡齋南亭

姚合

符印懸腰下。東山不得歸。獨行南北近。  
漸老往還稀。迸笋侵窻長。驚蟬出樹飛。



甲田池上葉長是使君衣

日東病僧

項斯

雲水絕歸路。來時風送船。不言身後事。  
猶坐病中禪。深壁藏燈影。空窓出艾煙。  
已無鄉土夢。起塔寺門前。

送友人下第歸觀 劉得仁

君此卜行日。高堂應夢歸。莫將和氏淚。

滴著老萊衣。嶽雨連河細。田禽出麥飛。  
到家調膳後。吟好送斜暉。

南游有感

于武陵

杜陵無厚業。不得駐車輪。重到曾遊處。  
多非舊主人。東風十里樹。西日一洲蘋。  
又渡湘江去。湘江水復春。

早春寄華下同志 裴說



正是花時節。思君寢復興。市沽終不醉。  
春夢亦無憑。嶽面懸清雨。河心走濁冰。  
東門一條路。離恨正相仍。

途中別孫瑤

方干

道路本無限。又應何處逢。流年莫虛擲。  
華髮不相容。野渡波搖月。寒城雨翳鐘。  
此心隨去馬。迢遞過重峰。

送友及弟歸湖東

南行無俗侶。秋雁與寒雲。野趣自多愜。  
名香人共聞。吳山中路斷。湖水平江分。  
此地登臨慣。攜情一送君。

春宮怨

杜荀鶴

早被嬋娟誤。欲粧臨鏡慵。承恩不在貌。  
教妾若爲容。風暖鳥聲碎。日高華影重。



年年越溪女相憶採芙蓉

辭崔尚書

李頎

下飯仍難受淹留已半年終期身可報  
不擬骨空鑄城晚風高角江春浪起船  
會同棲止地獨去塞鴻前

下方

司空圖

三十年來往中閒京洛塵倦行今白首

歸臥已清晨坡暖冬生笋松涼夏健人  
更慚徵詔起避世迹非真

華下送文浦

郊居謝名利何事最相親漸與論詩久  
皆知得句新川明虹照雨樹密鳥衝人  
應念從今去還來嶽下頻

游東林寺

黃滔



平生愛山水。下馬虎溪時。已到終嫌晚。  
重游預作期。寺寒三伏雨。松偃數朝枝。  
翻譯如曾見。白蓮開滿池。

送僧還嶽

周賀

辭僧下水棚。因聽嶽鐘聲。遠路獨歸寺。  
幾時重到城。風高寒木落。雨絕夜堂清。  
自說深居後。鄰州亦不行。

送人歸蜀

馬戴

別離楊柳陌。迢遞蜀門行。若聽清猿後。  
應多白髮生。虹蜺侵棧道。雨雪雜江聲。  
過盡愁人處。煙花是錦城。

經周處士故居

方干

愁吟與獨行。何事不關情。久立釣魚處。  
惟聞啼鳥聲。山蔬和雨歇。海樹入籬生。



吾在茲溪上懷君恨不平

送人歸山

石名

相逢惟道在誰不共知貧歸路分殘雨  
停舟別故人霜明松嶺曉花暗竹房春  
亦有棲閑意何年可寄身

送友人歸空春

張喬

落花兼柳絮無處不紛紛遠道空歸本

流鶯獨自聞野橋喧碓水山郭入樓雲  
故里南陵曲秋期更送君

秋日別王長史

王勃

別路千餘里深恩重百年正悲西候日  
更動北梁篇野色籠寒霧山光斂暮煙  
終知難再奉懷德自潛然

汝濱別業

祖詠



失路農爲業移家到汝濱獨愁常廢卷  
多病久離群鳥雀垂窓柳虹蜺出澗雲  
山中無外事樵唱有時聞

宣州使院別韋應物

劉長卿

白雲乘始願滄海有微波戀舊爭趨府  
臨危欲負戈春歸華殿暗秋傍竹房多

耐可機心息其如羽檄何

送陸潛夫延陵尋友

皇甫冉

登山自補屐訪友不齎糧坐歇青松晚  
行吟白日長人煙隔水見草氣入林香  
誰作招尋侶清齋宿紫陽

夏夜西亭即事

耿緯



高亭賓客散暑夜最相和細汗凝衣集  
微涼待扇過風還池色定月晚樹陰多  
遙想隨行者珊珊動曉珂

庭春

姚合

塵中主印吏誰遣有高情趨暖簷前坐  
尋芳樹底行土融凝野色冰敗滿池聲  
漸覺春相泥朝來睡不輕

新春

官卑長少事縣僻又無城未曉衝寒起  
迎春忍病行樹枝風掉軟菜甲土浮輕  
最好林間鵲今朝足喜聲

晚春答嚴少尹諸公見過

王維

松菊荒三徑圖書共五車  
草堂葵邀上客

由參三體詩

卷六

三



看竹到貧家。雀乳先春草。鶯啼過落花。  
自憐黃髮暮。一倍惜年華。

送王正字山寺讀書

李嘉祐

欲究先儒教。還過支遁居。篠塔閑聽法。  
竹寺獨看書。向日荷新卷。迎秋柳半疎。  
風流有佳句。不似帶經鉅。

秋日過徐氏園林 包佶

回塘分越水。古樹積吳煙。掃竹催鋪席。  
垂蘿待繫船。鳥窺新罅栗。龜上半欹蓮。  
屢入忘歸地。長嗟俗事牽。

灞東司馬郊園 許渾

楚翁秦塞住。昔事李輕車。白社貧思橘。  
青門老種瓜。讀書三迳草。沽酒一籬華。



更欲尋芝木。高山便寄家。

下第寓居崇聖寺

懷玉泣京華。舊山歸路賒。靜依禪客院。  
幽學野人家。林晚鳥爭樹。園春蝶護華。  
東門有閑地。誰種邵平瓜。

寄山中高逸人

孟貫

煙霞多故曠。吟嘯是尋常。猿共摘山果。

僧隣住石房。躡雲雙屐冷。採藥一身香。  
我憶相逢夜。松潭月色涼。

廬嶽隱者

杜荀鶴

見說來居此。未嘗離洞門。結茅遮雨露。  
採藥給晨昏。古樹藤纏殺。春泉鹿過渾。  
悠悠無一事。不似屬乾坤。

寄司空圖

僧虛中



逍遙短褐成一劍動精靈白晝夢仙島  
清晨禮道經黍苗侵野徑桑椹汚閑庭  
肯要為隣者西南太華青

送成州程使君 岑參

程侯新出守好日發行軍拜命時人羨  
能官聖王聞江樓暗寒雨山郭冷秋雲  
竹馬諸童子朝朝待使君

漢陽卽事 儲光羲

楚國千里遠孰知方寸違春游歡有客  
夕寢賦無衣江水帶冰綠桃華隨雨飛  
九歌有深意捐珮乃言歸

酬劉員外見寄 嚴維

蘓耽佐郡時近出白雲司藥補清羸疾  
憲吟絕妙詞柳塘春水漫華塢夕陽遲



欲識懷君意朝朝訪穢師

別至弘上人

最稱弘偃少早歲草茅居年老從僧律  
生知解佛書衲衣求壞帛野飯拾春蔬  
章句無求斷時中學有餘

送王牧往吉州謁史君叔

李嘉祐

細草綠汀洲王孫耐薄遊年華初冠帶  
文彩舊弓裘野渡華爭發春塘水亂流  
夫君憐心比應念倚門愁

送章彝下第

綦毋潛

長安渭橋路行客別時心獻賦溫泉畢  
無媒魏闕深黃鶯啼就馬白日暗歸林  
三十名未立君還惜寸陰



空寂寺悼元上人  
錢起  
悽然雙樹下  
垂淚遠公房  
燈續生前火  
爐添沒後香  
陰階明片雪  
寒竹響空廊  
寂滅應爲樂  
塵心徒自傷

送曹倚

司空曙

青春三十餘  
衆藝盡無如  
中散詩傳書  
將軍扇賣書  
楚田晴下鴈  
江日暖多魚  
惆悵空相送  
歡遊自此疎

送金華王明府

韓翃

懸舍江雲裏  
心閑境自偏  
家資陶令菊  
月俸沈郎錢  
黃蘗香山路  
青楓暮雨天  
時聞引車騎  
竹外有銅泉  
和張侍郎酬馬尚書

韓愈



來朝當路日承詔改轅時出領須包國  
仍兼少昊司暖風吹宿麥清雨捲歸旗  
賴寄新珠玉長吟慰我思

送董卿赴台州

張蠙

九陌除書出尋僧問海城家從中路  
黎吏隔數州迎夜蚌侵燈影春禽雜  
槽聲開圖知異迹思想石橋行

過香積寺

王維

不知香積寺數里入雲峰古路無人迹  
深山何處鐘泉聲咽危石日色冷青松  
薄暮空潭曲安禪制毒龍

送友人尉蜀中

徐鼎

故友漢中尉請爲西蜀吟人家多種橘  
風土愛彈琴水向昆明闊山通大夏深



理閑無別事時寄一登臨

與諸子登峴山

孟浩然

人事有代謝往來成古今江山留勝迹  
我輩復登臨水落魚梁淺天寒夢澤深  
羊公碑尚在讀罷一沾襟

寄邢逸人

鄭常

羨君無外事日與世情違地僻人難到

溪深鳥自飛儒衣荷葉老野飯藥苗肥  
若問湖邊意而今憶共歸

吳明徹故壘

劉長卿

古臺搖落後秋日望鄉心古寺人來  
雲峰隔水深夕陽依舊壘寒磬滿空林  
惆悵南朝事長江獨至今

送樊兵曹謁潭州韋大夫



李嘉祐

塞鴻歸欲盡。北客始辭秦。  
零桂雖逢竹。瀟湘少見人。  
江革鋪淺水。山木暗殘春。  
修刺轅門裏。多憐爾為親。

西郊蘭若

羊士諤

雲天空北戶。塔廟似西方。  
林下僧無事。江清日正長。  
石泉盈掬冷。山實滿枝香。

寂寞傳心印。無言亦已忘。

送普門上人

皇甫冉

花宮難久別。道者憶千燈。  
殘雪入林路。深山歸寺僧。  
日光依嫩草。泉響滴春冰。  
何用求方便。看心是一乘。

送耿處士

賈島

一瓶離別酒。未盡即言行。  
萬水千山路。



孤舟幾日程。川原秋色盡。蘆葦晚風鳴。  
迢遞不歸客。人傳虛隱名。

春喜友人至山舍 周賀

鳥鳴春日晚。喜見竹門開。路自高巖出。  
人騎瘦馬來。折華林影動。移石澗聲回。  
更欲留深語。重城暮色催。

龍翔喜胡權訪宿 喻鳧

林接無異歡。煮茗就華欄。雀啄北窻晚。  
僧開西閣寒。衝橋二水急。扣月一鐘殘。  
明發還分手。徒悲行路難。

秋晚郊居 任蕃

遠聲霜後樹。秋色水邊村。野徑無來客。  
寒風自動門。海山藏日影。江石落潮痕。  
惆悵高飛晚。年年別故園。



友人南遊不還

于武陵

相思春樹綠千里各依依  
鄴杜月頻滿瀟湘人未歸  
桂華風半落煙草蝶雙飛  
一別無消息水南蹤跡稀

夜泊淮陰

項斯

夜入楚家煙煙中人未眠  
望來淮岸盡坐到酒樓前  
燈影半臨水筆聲多在船

乘流向東去別此易經年

秋夜宿淮口

景池

露白草猶青淮舟倚岸停  
風帆幾處客天地兩河星  
樹靜禽眠草沙寒鹿過汀  
明朝誰結伴直去滄溟

村行

姚揆

天淡雨初晴遊人恨不勝  
亂山啼蜀魄



孤棹宿巴陵。影暗村橋柳。光寒水寺燈。  
罷吟思故國。窗外有漁罾。

題甘露寺

曹松

香門接巨壘。畫角閒清鐘。北固一何峭。  
西僧多此逢。天垂無際海。雲白久晴峰。  
且暮然燈外。潮頭振蟄龍。

前實後虛

秋夜獨坐

王維

獨坐悲雙鬢。空堂欲一更。雨中山菓落。  
燈下草蟲鳴。白髮終難變。黃金不可成。  
欲知除老病。惟有覺無生。

秋夜汎舟

劉方平

林塘夜汎舟。蟲響秋颼颼。萬影皆因月。  
千聲各爲秋。歲華空復晚。鄉思不堪愁。



西北浮雲外伊川何處流

春日臥病書懷 劉商

楚客經年病孤舟人事稀晚晴江柳變  
春暮塞鴻歸今日方知命前年自覺非  
不能憂歲計無限故山薇

林館避暑 羊士諤

池島清陰裏無人泛酒船山蛭金奏響

華露水精圓靜勝朝還暮幽觀白已玄  
家山正如此何不賦歸由

柏梯寺懷舊僧 司空圖

雲根禪客居皆說舊吾廬松日明金像  
苔龕響木魚依棲應不阻名利本來疎  
縱有人相問林閒懶折書

早春



傷懷仍客處。病眼卻華朝。草嫩侵沙短。冰輕著雨消。風光知可愛。客鬢不相饒。早晚丹丘伴。飛書肯見招。

江行

地闊分吳塞。楓高映楚天。曲塘春盡雨。方響夜深船。行紀添新夢。羈愁甚往年。何時京洛路。馬上見人煙。

春日

李咸用

浩蕩東風裏。徘徊無所親。危城三面水。古木一邊春。衰世難行道。華時不稱貧。滔滔天下者。何處問通津。

雲居長老

王貞白

巖路躡雲上來。參出世僧松。欹半巖。雪竹覆一溪水。不說有為法。非傳無盡燈。



了。然。方。寸。內。應。祇。見。南。能。

送許棠

張喬

離鄉積歲年。歸路遠依然。夜火山頭市。  
春江樹杪船。干戈愁鬢改。瘡癘喜身全。  
何處營甘旨。波濤浸薄田。

穆陵關北逢人歸漁陽

劉長卿

逢君穆陵路。匹馬向桑乾。楚國蒼山古。  
幽州白日寒。城池百戰後。耆舊幾家殘。  
處處逢高。遍歸人。掩淚看。

早行寄朱放

戴叔倫

山曉旅人。天高秋氣悲。明河川上沒。  
芳草露中衰。此別又千里。少年能幾時。  
心知剡淡路。聊且寄前期。

袖珍三體詩 卷下 無



陝州河亭陪韋大夫眺望

劉禹錫

雪霽太陽津。城池表裏春。  
河流添馬頰。原色動龍鱗。  
萬里思歸客。一盃逢故人。  
因高向西望。關路正飛塵。

巴南舟中

岑參

渡口欲黃昏。歸人爭渡喧。  
近鐘清野寺。

遠火點江村。見鴈思鄉信。  
聞猿積淚痕。孤舟萬里夜。  
秋月不堪論。

宿關西客舍寄嚴許二山人

雲送關西雨。風傳渭北秋。  
孤燈然客夢。寒杵搗鄉愁。  
灘上思嚴子。山中憶許由。  
蒼生今有望。飛詔下林丘。

夜宿龍吼灘思峨眉隱者



官舍臨江口。灘聲已慣聞。水煙晴吐月。  
山火夜燒雲。且欲求方士。無心戀史君。  
異鄉那可任。況復久離群。

南亭送鄭侍御還東臺

江亭酒甕香。白面繡衣郎。砌冷蟲喧坐。  
簾疎月到牀。鐘催離興急。絃緩醉歌長。  
關樹應先落。隨君滿路霜。

南溪別業

結宇依青嶂。開軒對翠疇。樹交華雨色。  
溪合水重流。竹徑春來掃。蘭樽夜不收。  
逍遙自得意。鼓腹醉中游。

泊舟盱眙

常建

泊舟淮水次。霜降夕流清。夜久潮侵岸。  
天寒月近城。平沙依鴈宿。旅館聽雞鳴。



鄉國雲霄外誰堪羈旅情

江南旅懷

祖詠

楚山不可極歸客自蕭條海色晴看雨  
江聲夜聽潮劍留南斗近書寄北風遙  
為報空潭橘無媒寄洛橋

冬日野望

于良史

地際朝陽滿天邊宿霧收風兼殘雪起

河帶斷冰流北闕馳心極南圖尚旅遊  
登臨思不已何處可消憂

早行

劉洵伯

鐘靜人猶寢天高景自涼一星深戍火  
殘月半橋霜客老愁城下蟬寒怨路傍  
青山依舊色宛是馬卿鄉

逢潘公

周賀

由珍三體詩 卷下



帶病稀相見。西城早晚來。山衣風壞帛。  
香印雨沾灰。坐久鐘聲盡。禪餘岳影回。  
卻思同宿夜。高枕說天台。

暮過山寺

賈島

衆岫聳寒色。精廬向此分。流星透疎木。  
走月逆行雲。絕頂人來少。高松鶴不群。  
一僧年八十。世事未曾聞。

懷永樂殷侍御

馬戴

石田虞芮接。種柳白雲陰。穴閉神蹤古。  
河流禹鑿深。樵人應滿郭。仙鳥幾巢林。  
此會偏相憶。曾供雪夜吟。

韋處士山居

許渾

斲藥去還歸。家人半掩扉。山風藤子落。  
溪雨豆花肥。寺遠僧來少。橋危客過稀。



不聞砧杵動應解製荷衣

瀑布寺貞上人院 鄭巢

林疎多暮蟬師太宿山煙古壁燈熏畫  
秋琴雨慢弦竹閒窺遠鶴巖上取寒泉  
西岳莎房在歸期更幾年

送龍州樊史君 許棠

曾見邛人說龍州地未深碧溪飛白鳥

紅旆映青林土產惟宜藥王租只貢金  
政成閑宴日誰作使君吟

送人尉黔中 周繇

盤山行幾驛水路復通巴峽漲三川雪  
園開四季華公庭飛白鳥官俸請丹砂  
知尉黔人後高吟採物華

道院 王周

由珍三體詩 送下 一意



白日人稀到。簾垂道院深。雨苔生古壁。  
雪鶴聚寒林。忘慮憑三樂。消閑信五禽。  
誰知是官府。煙縷滿爐沉。

一意

終南別業

王維

中歲頗好道。晚家南山陲。興來每獨往。  
勝事空自知。行到水窮處。坐看雲起時。

偶然值林叟。談笑滯還期。

晚泊潯陽望爐峰

孟浩然

掛席幾千里。名山都未逢。泊舟潯陽郭。  
始見香爐峰。嘗讀遠公傳。永懷塵外蹤。  
東林精舍近。日暮坐聞鐘。

茶人

陸龜蒙

天賦識靈草。自然鍾野姿。閑來北山下。



似與東風期。雨後探芳去。雲間幽路危。惟應報春鳥。得共斯人知。

尋陸羽不遇

僧皎然

移家雖帶郭。野徑入桑麻。近種籬邊菊。秋來未著華。扣門無犬吠。欲問西家。報道山中出。歸來每日斜。

起句

軍中醉飲寄沉八劉叟

曷當

酒渴愛江清。餘酣漱晚汀。軟莎欹坐穩。冷石醉眠醒。野膳隨行帳。華音發從伶。數盃君不見。都已遣沉冥。

題江陵臨沙驛樓 司空曙

江天清更愁。風柳入江樓。鴈識楚山晚。



蟬知秦樹秋淒涼多獨醉零落半同游  
豈復平生意蒼然蘭杜洲

送耿山人遊湖南 周賀

南行隨越僧舊業一池菱兩鬢已垂雲  
五湖歸掛罾夜濤鳴柵鎖寒葦露船燈  
此去更無事卻來猶未能

宿巴江

僧栖蟾

江聲五千里瀉碧急於弦不覺日又夜  
爭教人少年一汀巫峽月兩岸子規天  
山影似相伴濃遮到客船

結句

送陳法師赴上元 皇甫冉

延陵初罷講建業去隨緣翻譯推多學  
壇場最少年浣衣逢野水乞食向人煙



神聖三體詩 卷下  
遍禮南朝寺。焚香古像前。

送從弟歸河朔

李嘉祐

故鄉何可到。令弟獨能歸。諸將旌旆節。何人重布衣。空城流水在。荒澤舊村稀。秋日平原路。蟲鳴桑葉飛。

喜晴

李敬方

到台十二旬。一片雨中春。林葉黃梅盡。

山苗半夏新。陽鳥朝展翅。陰魄夜飛輪。坐喜無雲物。分明見北辰。

茅山

杜荀鶴

步步入山門。仙家鳥徑分。漁樵不到處。麋鹿自成羣。石面迸出水。松頭穿破雲。道人星月下。相次禮茅君。

詠物



山中流泉

儲光羲

山中有流水，借問不知名。  
映地為天色，飛空作雨聲。  
轉來深澗滿，分出小池平。  
恬淡無人見，年年長自清。

冷井

孫欣

仙闌初鑿井，雲液沁成泉。  
色湛青苔裏，寒凝紫綆邊。  
銅瓶向影落，玉甕抱虛圓。

永賴調神像，堯時奉萬年。

僧舍小池

張鼎

引出白雲根，潺潺漲鮮痕。  
冷光搖砌錫，疎影露枝猿。  
淨帶凋霜葉，香通洗藥源。  
則多文字古，空向此中翻。

聞笛

戎昱

今夜思歸切，笛聲寒更哀。  
愁人不願聽，



自到枕邊來。風起塞雲斷。夜深關月開。  
平明獨惆悵。落盡一庭梅。

感秋林

姚倫

試向東林望。方知節候殊。亂聲千葉下。  
寒影一巢孤。不敵秋天鴈。驚飛夜月烏。  
霜風與春日。幾度遣榮枯。

杏花

溫憲

團雪上晴梢。紅明映碧寥。店香風起夜。  
村白雨休朝。靜落猶連蒂。繁開正滿條。  
澹然閑賞久。無奈似嬌嬈。

孤鴈

崔塗

幾行歸塞盡。念爾獨何之。暮雨相呼疾。  
寒塘欲下遲。渚雲低暗度。關月冷相隨。  
未必逢緡繳。孤飛自可疑。



雨

皎然

片雨拂簷楹。煩襟四坐清。霏微過麥隴。  
簫瑟傍莎城。靜愛和花落。幽聞入竹聲。  
朝觀興無盡。高詠寄閑情。

袖珍三體詩卷之三 大尾

跋

詩者藝於世。終而世終。之詩者。其  
變於唐也。而唐詩之所以為家者。其  
在。以有之。終。之。也。故。學。者。之。學。  
唐。者。不。熟。之。終。則。必。以。得。唐。詩。之。  
法。門。乎。周。伯。弼。之。終。之。終。詩。集。也。  
蓋。可。謂。得。詩。家。之。要。領。也。矣。



然而坊宥所梓仍率不免得謬  
讀在常布病之今古梓依請刻袖  
珍之體法集板予積年一所校正  
善本而登梓之亦卻以復初  
學滿習之業耳又政丁亥之冬  
十月十一日書於脩室南窗六

田浦 啓

三都

江戸芝神明前

同日本橋南壹丁目 屋嘉 七

同日本橋南三丁目 須原屋茂兵衛

同中橋西小路 城屋佐兵衛

同淺草須原町二丁目 宮弥兵衛

同京本能寺前 須原屋伊 八

同大坂心齋橋南壹丁目 屋惣四郎

同 敦賀屋九兵衛板

同 敦賀屋彦 七行

發行

書肆



